



Broj: 05/1-50-14-51-15/11

Sarajevo, 18.5.2011.

ZAPISNIK

15. sjednice Nezavisnog odbora kao nezavisnog tijela policijske strukture BiH

Sjednica je održana 18.5.2011., s početkom u 12 sati.

Sjednici su prisustvovali članovi Nezavisnog odbora: Žiko Krunić, Bakir Dautbašić, Mato Jozić, Dragan Savić, Ljubomir Kuravica, Viktor Dadić, Enes Obralića i Zijad Kadić.

Odsutan je bio Stanko Nuić član Nezavisnog odbora.

Sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Aida Salčinović novinarka Federalne televizije, te Zoran Brkić iz Sektora za odnose s javnošću PSBiH.

Petnaestu sjednicu sazvaio je Žiko Krunić, predsjednik Nezavisnog odbora. Nakon što je konstatirao da postoji kvorum za punovažan rad predsjednik je otvorio sjednicu. Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 14. sjednice Nezavisnog odbora, održane 20.4.2011.;
2. Tekuća pitanja
 - Zabilješka sa sastanka članova Nezavisnog odbora sa direktorom i zamjenikom direktora Direkcije za koordinaciju policijskih tijela BiH,
 - Usmena informacija o sastanku sa predstavnicima EUPM-a.

Ad.1. Usvajanje Zapisnika 14. sjednice Nezavisnog odbora, održane 20.4.2011.

Predsjednik Odbora otvorio je raspravu o Zapisniku 14. sjednice Nezavisnog odbora, održane 20.4.2011.

S obzirom da nije bilo primjedbi, Zapisnik 14. sjednice usvojen je jednoglasno.

Ad.2 Tekuća pitanja

- **Zabilješka sa sastanka članova Nezavisnog odbora sa direktorom i zamjenikom direktora Direkcije za koordinaciju policijskih tijela BiH**

Predsjednik Nezavisnog odbora Žiko Krunić upoznao je članove Nezavisnog odbora o sastanku koji je održan 20.4.2011. sa Himzom Selimovićem, direktorom i Urošom Penom, zamjenikom direktora Direkcije za koordinaciju policijskih tijela BiH.

Naglasio je da je sastanak održan u skladu sa Planom rada Nezavisnog odbora za 2011. godinu i zaključkom Odbora sa 13. sjednice, kako bi se ostvario neposredan uvid u rad Direkcije za koordinaciju policijskih tijela BiH.

S obzirom da nije bilo primjedbi, članovi Nezavisnog odbora su primili k znanju Zabilješku sa sastanka članova Nezavisnog odbora sa direktorom i zamjenikom direktora Direkcije za koordinaciju policijskih tijela BiH.

- **Usmena informacija o sastanku sa predstavnicima EUPM-a.**

Član odbora Enes Obralića informirao je članove Nezavisnog odbora o sastanku koji je održao sa Simonetom Silvestri, šefom Odsjeka za reformu policije EUPM-a. Sastanak je održan 5.5.2011. u zgradi Parlamentarne skupštine BiH, na inicijativu EUPM-a. Njemu su prisustvovali Simoneta Silvestri i Fatima Miletić iz EUPM-a, te Enes Obralića i Alma Salkić-Mijić ispred Nezavisnog odbora. Cilj sastanka je bio da se predstavnici EUPM-a upoznaju sa planiranim aktivnostima Nezavisnog odbora. Istaknuo je da je na sastanku konstatirano da bi bilo korisno u narednom periodu organizirati konferenciju na kojoj bi učešće uzeli članovi svih nezavisnih odbora u BiH, s ciljem razmjene iskustava između odbora, a domaćin da bude Nezavisni odbor Parlamentarne skupštine BiH.

Član odbora Zijad Kadić smatra da bi umjesto konferencije bilo bolje organizirati sastanak sa predsjednicima svih nezavisnih odbora u BiH.

Članovi odbora nisu se izjašnjavali ni o jednom od ovih prijedloga.

Članovi odbora nisu imali primjedbi i primili su k znanju usmenu informaciju o sastanku s predstavnicima EUPM-a.

- **Izrada informativnog letka o Nezavisnom odboru**

Članovi Nezavisnog odbora su upoznati sa aktivnostima koje provodi Odjel za izdavačku djelatnost i publikacije Parlamentarne skupštine BiH, a koja se odnosi na štampanje informativnih letaka o radnim tijelima Parlamentarne skupštine BiH.

Članovi Nezavisnog odbora su zaključili da sekretar u saradnji sa Odjelom za publikacije i izdavačku djelatnost poduzme aktivnosti na izradi informativnog letka o Nezavisnom odboru.

Sjednica je završena u 13.10 sati.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić